



Dem Durchlauchtigsten Hoch-
gebornen Fürsten vnd Herrn / Herrn Johann Georgio / Her-
zogen zu Sachsen / Büllich / Cleve / vnd Berg / des heiligen Römischen Reichs
Erzmarschallen / Churfürsten / vnd desselben Reichs in den Landen des Sächsischen Reichens
an Enden in solch Vicariat gehörende / dieser zeit Vicario, Landgrafen in Thür-
ringen / Marggrafen zu Meissen / Burggrafen zu Magdeburg /
Grafen zu der Mark vnd Ravenspurg / Herrn
zu Ravenstein / &c.

Meinem gnedigsten Churfürsten vnd Herrn.

Vurchlauchtigster Hochgeborner Churfürst /
Ewr Churfürstl. Gn. seynd meine vnterthänigste ge-
horsambste Dienste / vngespartes Fleisses jederzeit zu
vor bereit.

Gnedigster Churfürst vnd Herr. E. Churfürstl. Gn. erinnern sich
sonder zweiffel noch gnedigst / welcher gestalt dieselbe mich vngesehe
vor dreyen Jahren in dero Dienst bestellet / auff vnd angenommen /
vnd das directorium vnd Capellmeister Ampt bey derselben für-
trefflichen / ansehenlichen vnd weitberümbten Music mir auffgetra-
gen / deme ich auch nach der Maß / die der Allmechtige auß Gnaden
verliehen / bisher ohne vngebürenden Ruhm zu melden / getrewlich
vnd mit fleiß vorgestanden.

Wie nun vor diese vnd andere bey werenden meinem Dienste
mir vntwürdigem erwiesene hohe Churfürstliche Gnade ich billich vnt-
erthänigst danckbar ; Also wolte ich von grund meines Hertzens
mehrs vnd höhers nicht wünschen / denn es were vmb mein ver-
mögen also bewandt / daß E. Churfürstl. Gn. sol. e meine schuldige
vnterthänigste Danckbarkeit ich im Werck gehorsamlich erweisen
könnte ;

Wann ich mich aber hierzu viel zu gering vnd wenig befinde / so
hab ich doch lieber etwas thun als alle zeichen der danckbarkeit gantz-
lich vnterlassen wollen.

Vnd demnach ich vor diesem etzliche Teutsche Psalmen auff
italienische Manier / zu welcher ich von meinem lieben vnd in aller
Welt hochberühmten Præceptore Herrn Johan Gabrieln / so lange
alia ich mich bey ihme auffgehalten / mit fleiß angeführet wor-

): (ij den /